



INATSISARTUNI

Partii Inuit
Randi Broberg

UPA 2014/134-1
20.5.2014

PILLUGU: Pilersaarutit annertuut sanaartornerisa nalaanni nunanit allamiut najugaqalernissamut sulinissamullu akuerineqarsinnaanerit pillugu Kalaallit Nunaannut Inatsisip Kalaallit Nunaannut atuutilernissaa pillugu oqaaseqaateqarnissamut Inatsisartut aalajangiinissaanut siunnersuut.

(Inuussutissarsiornermut Aatsitassanullu Naalakkersuisoq)

Siunnersuutikkut Naalakkersuisut ujjartorpaat, Suliniutit annertuut aallartisarnerini suliaasat pillugit Inatsisartut inatsisaat nr. 25, 2012'imeersup, pingaartumillu taassuma allannguutai nr. 13, 2013'imeersup suliaartortut qanoq atugassaqaartinneqarnerinut aalajangersakkat atortuulersinneqarnissaat.

Partii Inuit tikkuarusutagut makkuupput:

1. Siunnersuutip qulequtaani oqaatsip "najugaqalernissamut" atorineqartup paatsuunganarnera peqqutigalugu, tulluarsorinanngilaq. Oqaaseq atugassatut tulluarterput tassaavoq "najugaqarallarnissamut". Tassuunakkut atuarneqarsinnaammat piffissakkut killilikkamik akuersissuteqartoqarnera.
2. Maluginiagassaavoq pisuussutitta uumaatsut qallorneqarnerini, isertitassatut isumalluutit tasaanerummata, sulisut isertitaasa akileraarusersornerisigut isertinneqarsinnaasut.

Tamannarpiaavoq Partii Inuit illuatungerluinnaanut saatittariaqartutut isigisarput.

Aatsitassarsiorneq ingerlanneqartariaqarpoq inuiattut uagutsinnut qallikkut ilorlukkullu pissarsiviunerpaasussaq tunaartaralugu.

Tamannalu pisinnaavoq naqqaniit aallartittumik, uagut namminerpiaq piginnaasagut aallaavigalugit aatsitassarsiornerup inerisarneragut, taamalu pisuussutitta uagutsinnut iluaqutissanngortinneragut. Ullumikkutut inortuilersutut pissusilersunngikkaluarluta.

3. Najugaqarallarnissamut sulinissamullu siunissami akuersissutaasartussat eqqarsaatigalugit, ullumikkumut misilittakkatta takutereerpaat, avataaniit suliaartortut killilersimaarneqarnissaannik inatsisilluunniip eqqortinneqannginnera ulloq manna tikillugu pisoq. Taannaannarluunniit eqqortissinnaanatigu, qanoq uani nakkutiginnittoqarniarami?



INATSISARTUNI

Najugaqarallarnissamut sulinissamullu akuerisaasut nakkutigineqarneri qanorpiaruna aaqqiivigineqarniarloq?. Tassami aatsitassarsiornermi pissutsit ataatsimut isigalugit nakkutigiuminaallartornissaat pitsaaliorniarutsigu, aallaqqaataaniit erseqqissumik sukannersumillu nakkutilliinissarput pisariaqarluinnassaaq.

Qulaani assersuutitut taaneqartoq uteqqinniingikkutsigu. Taamalu uagut aasiit isiginnaartuinnartut inissinneqaqqissanngikkutta.

4. Nunatta Eqqartuussivia saqitsaannerni apuussivissaq siulleq, piareersimava suliassaqarnerulernissaminut?. Nalunngilarput ullumikkut eqqartuussiviit suliassatigut kinguaattooqqammata. Aatsitassarsiutileqatigiiffiillu illersuisoqarnermikkut, Nunarsuarmi nukittunerpaajusut eqqaamagaanni, ilumut piareersimasoqarpa?

Imal. illersuisugissaarnissamut akissallit kisimik soqutigisaasa aallunneqarfiattut suna tamarmi ingerlalissava?

Suliartortoq imal. atsitassarsiutileqatigiiffik inatsisinik unioqqutitsippat, taava qanoq qisuariartoqartassava periuseqartoqassavalu?

5. Ernumanarteqaarput, avataaniit aningaasaliisinnaasut kisimik ukkitaanerat. Ullumikkut uagut inuiaqatigiinni inuttut pigisaqanngereeqaagut, pigisat nalillit suliffeqarfiillu uagutsinnit pigineqartut ullumikkut suunngillat.

Inuiaqatigiit pisuussutitta naapertuunnerusumik agguataarneqarnissaat qitiutipparput.

Tamannali qaqugumut pinavianngitsoq Partii Inuit takusinnaavarput – ullumikkut sukaterineq, uagutsinnut annertunerusumik pissarsiviunngitsoq kisiat ukkitarineqarallartillugu.

6. Isumaqaarpugut suliniutit angisuut ataatsimut isigalugit, taakkulu sunniutaat ataatsimut eqqarsaatigalugit, inuiaqatigiittut nammanneqarsinnaaneramik nalilersuineq pisariaqarluinnartuq.

Aarleqqutigaaarpud suliniutit annertuut aallartereerpata, inuiaqatigiinnullu sunniutit pitsaannigitsut pisalerpata, aatsaat nalilersuiniartoqalernissaa, Taamatullu inuiaqatigiittut atukkatsinnut nanertuutaaleratarsinnaanera.

Partii Inuit taama oqaaseqarluta, innersuussutigaaarpud siunnersuutip aappassaaneerneqannginnermini ataatsimiititamit isumaliutissiisoqarnissaa. Paaserusunnarmat aamma naalackersuinnikkut soqutigisaqatigiit iluanni ilumut isumaqartoqarnerisooq, siunissami qaninnermi suliniutit annertuut aallartinnissaannut inuiattut piareersimasugut.